

Fakamauaga higoa ma e viliaga he tau fono maaga he 2019

Taute e tau viliaga he tau fono maaga ke fifili ai e tau tufono ke mailoga aki a tautolu he tau fono maaga mo e tau matakau he faahi levekiaga tino. Ko e ha tagata ni kua haha i loto he tau fakamauaga higoa nai ne maeke ke vili he tau viliaga fono maaga. To fakahoko e tau viliaga nei he tau puhala fakahūtohi he mahina a Oketopa he tau nei.

Ko e tau viliaga nai ma e fono taone mo e tau fono maaga faahi motu, tau fono maaga he kautū mo e tau Matakau he Faahi Malolō Tino. Ko e falu fafaahi a Niu Silani, to fakahoko ai he tau matakau maaga mo e tau tagata he maaga, tau matakau taute laiseni mo e falu a matakau foki.

Kua lata a koe ke fakamau e higoa haau ke maeke ke vili mo e fakakite haau a tau manatu he viliaga fono maaga.

Maeke a koe ke fakamau e higoa ke vili kaeke kua 18 po ke motua atu foki, ko e tagata Niu Silani po ke tagata nofomau, ti kua nofo tumau i Niu Silani ke molea taha e tau katoa he haau a moui nofomau.

Ke mailoga tonu e tokologa he tau tagata ka vili he tau magaaho fafati, to fakafano atu e tau laupepa fakahakohako ke he tau tagata oti i loto he tohi fakamau higoa he aho 29 i a Luni. Ko e mena nī haau ke taute, ke kikite kua hako oti e tau fakailoaga haau. Kaeke kua hako, to nākai fai mena foki a koe ke taute. Ka e kaeke kua fai fakakatoatoaga a koe ke taute, tohi e tau hikihikiaga oti ia ti fakafano mafiti mai ki a mautolu.

Kaeke ke nakai moua a koe ha peke he aho Gofua, 8 ia lulai, ko e kakano he mena ia, kua nakai fakamau e higoa haau, po ke kua nakai katoatoa e tau fakailoaga haau. Ke fakamau e higoa, po ke fakahakohako e tau fakailoaga haau, kua lata a koe ke fakapuke e laupepa fakamau higoa foou. Fano ke he laini hila he **vote.nz** po ke **vilo e 0800 36 76 56** ke ole ke fakafano atu taha laupepa ia ki a koe.

To fakagahuahua he tau fono maaga e tau viliaga nei ti ko e tau aho fakahikuhiku i a Sepetema ka fakafanofano atu ai e tau laupepa vili ke he tau tagata vili oti i loto he fakamauaga higoa vili.

Kaeke ko e nākai lā fakamau e higoa haau ka hoko e aho Falaile 16 Aokuso, to nākai fai laupepa vili ka fakafano atu ki a koe he faahi mahani fakahūtohi ke he nofoaga haau. Kaeke ko e fakamau higoa a koe he mole e aho nai, kua lata a koe ke ole atu ke he ofisa leveki vili fono maaga ha mutolu, ke moua e tau laupepa vili fakamahino nī ma e tau magaaho pehē nai.

Ke moua falu fakailoaga foki ke he fakamauaga higoa ke vili, fano ke he **vote.nz**

Ke moua falu fakailoaga foki ke he tau viliaga he tau fono maaga, fano ke he **vote2019.co.nz**

